

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԳՅՈՒՂԱՏՆՏԵՍԱԿԱՆ ԿԵՆԴՐԱՆԻՆԵՐԻ
ՇՈՒԿԱՆԵՐԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ ՍԱՀՄԱՆԵԼՈՒ ՄԱՍԻՆ

Գլխավոր տեղեկություն

Համար N 1829-Ն

Տիպ Որոշում

Ակտի տիպ Հիմնական ակտ (20.01.2025-մինչ օրս)

Կարգավիճակ Գործում է

Սկզբնաղբյուր Միասնական կայք 2024.11.11-2024.11.24
Պաշտոնական հրապարակման օրը 21.11.2024

Ընդունող մարմին ՀՀ կառավարություն

Ընդունման ամսաթիվ 21.11.2024

Ստորագրող մարմին ՀՀ վարչապետ

Ստորագրման ամսաթիվ 21.11.2024

Ուժի մեջ մտնելու ամսաթիվ 20.01.2025

Ո Ր Ո Շ ՈՒ Մ

21 նոյեմբերի 2024 թվականի N 1829-Ն

ԳՅՈՒՂԱՏՈՒՄԱԿԱՆ ԿԵՆՏՐՈՆՆԵՐԻ ԾՈՒԿԱՆԵՐԻՆ ՆԵՐԿԱՅԱԶՄՈՂ ՊԱՀԱՆՁՆԵՐԸ ՍԱՀՄԱՆԵԼՈՒ ՄԱՍԻՆ

Հիմք ընդունելով «Անասնաբուժության մասին» օրենքի 6-րդ հոդվածի 1-ին մասի 34-րդ կետը՝ Հայաստանի Հանրապետության կառավարությունը որոշում է.

1. Սահմանել գյուղատնտեսական կենդանիների շուկաներին ներկայացվող պահանջները՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող վաթսուներորդ օրը, բացառությամբ՝

1) հավելվածի 6-րդ կետի, որն ուժի մեջ է մտնում պաշտոնական հրապարակմանը հաջորդող օրվանից.

2) հավելվածի 8-11-րդ և 13-րդ կետերի, որոնք ուժի մեջ են մտնում 2026 թվականի հունվարի 1-ից:

Հայաստանի Հանրապետության
վարչապետ

Ն. Փաշինյան

Երևան

21.11.2024
ՀԱՄԱՐՈՒՄՆԵՐ
ԵԼԵԿՏՐՈՆԱԿԱՆ
ՍԳՈՐԳՐՈՒԹՅԱՄԲ

Հավելված
ՀՀ կառավարության 2024 թվականի
նոյեմբերի 21-ի N 1829-Ն որոշման

ԳՅՈՒՂԱՏՈՒՄԱԿԱՆ ԿԵՆՏՐՈՆՆԵՐԻ ԾՈՒԿԱՆԵՐԻՆ ՆԵՐԿԱՅԱԶՄՈՂ ՊԱՀԱՆՁՆԵՐԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն պահանջներով կարգավորվում են գյուղատնտեսական կենդանիների շուկայի հետ կապված հարաբերությունները:

2. Գյուղատնտեսական կենդանիների շուկան առևտրի իրականացման վայր է, որտեղ իրականացվում է գյուղատնտեսական կենդանիների առուվաճառք:

3. Գյուղատնտեսական կենդանիների շուկաները հանդիսանում են անասնաբուժության նշանակության կամ անասնաբուժական պետական վերահսկման ենթակա օբյեկտներ: Վերջիններիս գործունեությունը կազմակերպող անհատ ձեռնարկատերը կամ ֆիզիկական կամ իրավաբանական անձինք պարտավոր են ծանուցել անասնաբուժության ոլորտի վերահսկողություն իրականացնող մարմնին՝ Սննդամթերքի անվտանգության տեսչական մարմնին (այսուհետ՝ լիազոր մարմին)՝ նշելով գործունեության վայրը:

4. Գյուղատնտեսական կենդանիների շուկայում թույլատրվում է վաճառել կեր, կենդանիների խնամքի համար նախատեսված պարագաներ և ձիաքարշ կցորդներ:

5. Գյուղատնտեսական կենդանիների շուկայում արգելվում է գյուղատնտեսական արտադրանքի (սննդամթերքի) և արդյունաբերական ապրանքների վաճառքը:

2. ԳՅՈՒՂԱՏՈՒՄԱԿԱՆ ԿԵՆՏՐՈՆՆԵՐԻ ԾՈՒԿԱՆԵՐԻՆ ՆԵՐԿԱՅԱԶՄՈՂ ՊԱՀԱՆՁՆԵՐԸ

6. Գյուղատնտեսական կենդանիների շուկաների կառուցման թույլտվությունը տրամադրվում է Հայաստանի Հանրապետության քաղաքաշինության կոմիտեի նախագահի 2024 թվականի փետրվարի 1-ի N 06-Ն հրամանով հաստատված հավելվածի համաձայն:

7. Գյուղատնտեսական կենդանիների շուկայում գյուղատնտեսական կենդանիների վաճառվում է՝ Հայաստանի Հանրապետության կառավարության 2010 թվականի հոկտեմբերի 21-ի N 1499-Ն որոշմամբ հաստատված N 2 հավելվածի N 1 ձևի անասնաբուժական ուղեկցող փաստաթղթի (այսուհետ՝ անասնաբուժական վկայական) պարտադիր առկայության դեպքում:

8. Գյուղատնտեսական կենդանիների շուկայի տարածքը պետք է լինի ցանկապատված՝ առնվազն 1,5 մետր բարձրությամբ, այցելուների և տրանսպորտային միջոցների համար նախատեսված առանձին մուտքերով:

9. Գյուղատնտեսական կենդանիների շուկաները պետք է ապահովված լինեն՝

1) կենդանիների բեռնման և բեռնաթափման հարթակներով.

2) առանձին դարպասներով՝ կենդանիների մուտքի և ելքի համար.

- 3) լվացող, ցողարկող և ախտահանող սարքերով.
- 4) կոյուղատար առվակներով.
- 5) կառուցված կենցաղային հարմարություններով (Էլեկտրաէներգիա և ջրամատակարարում).
- 6) փոխադրամիջոցների անիվների ախտահանման համապատասխան հարմարություններով, մուտքի և ելքի մոտ՝ ախտահանիչ ավազան կամ ցողարկիչ.
- 7) կանգնելատեղերով՝ ճաղագատված տարածքներով.
- 8) կենդանիների կենսական պահանջներն ապահովող միջոցներով՝ ջրախմուցներ, կերամաններ, ինչպես նաև զոոհիգիենիկ պահանջներն ապահովող՝ գոմաղբի հավաքման և հեռացման հարմարանքներ.
- 9) ծածկով՝ տեղումներից և արևի ճառագայթներից կենդանիներին պաշտպանելու համար.
- 10) վարչական շինությունով՝ առանձնացված անասնաբույժի սենյակ.
- 11) հիվանդ կամ հիվանդության մեջ կասկածվող կենդանիների մեկուսացման համար նախատեսված փակ տարածքով.
- 12) պահեստային առանձին տարածքներով՝ սարքավորումներ, ախտահանիչներ, կեր պահելու համար.
- 13) ավտոկայանատեղիով՝ մարդատար և գյուղատնտեսական կենդանիների փոխադրամիջոցի կայանման համար:
10. Գյուղատնտեսական կենդանիների շուկայի տարածքը պետք լինի հարմարավետ ջրահեռացման, մեխանիկական մաքրման, լվացման և ախտահանման աշխատանքներ իրականացնելու համար:
11. Գյուղատնտեսական կենդանիները տեղափոխվում են շուկա փոխադրման համար նախատեսված բեռնատար մեքենաներով, որոնք պետք է համապատասխանեն հետևյալ պահանջներին՝
 - 1) թափք կողավոր՝ բարձրությունը 100-150 սմ, հատակը հարթ և ծածկված ցամքարով.
 - 2) խոշոր եղջերավոր կենդանիներ և ձիեր տեղափոխելիս բեռնատարի թափքը տաք եղանակին կարող է լինել բաց, իսկ ցուրտ եղանակին՝ ծածկված բրեզենտե ծածկով.
 - 3) մանր եղջերավոր կենդանիներ, խոզեր տեղափոխելիս բեռնատար մեքենայի թափքը պետք է ծածկված լինի բրեզենտե ծածկով.
 - 4) մանր եղջերավոր կենդանիներին, խոզերին տեղափոխող բեռնատարի թափքը պետք է ունենա միջնապատեր.
 - 5) թռչունները և ճագարները բեռնատարի թափքում տեղավորում են վանդակներով.
 - 6) յուրաքանչյուր տեղափոխումից հետո անհրաժեշտ է բեռնատարի թափքը մաքրել և ախտահանել:
12. Գյուղատնտեսական կենդանիների շուկայի գործունեությունը կազմակերպող անհատ ձեռնարկատերը կամ իրավաբանական անձը պարտավոր է շուկան ապահովել սպասարկող անասնաբույժով:
13. Գյուղատնտեսական կենդանիների շուկայի տարածքը պետք է ապահովված լինի տեսահսկման համակարգով:

3. ԱՆԱՍՆԱԲՈՒԺԱԿԱՆ ՊԱՀԱՆՋՆԵՐԸ

14. Գյուղատնտեսական կենդանիների շուկայում գյուղատնտեսական կենդանիներ վաճառողը պարտավոր է գյուղատնտեսական կենդանիների շուկան սպասարկող անասնաբույժին ներկայացնել անասնաբուժական վկայականը:
15. Գյուղատնտեսական կենդանիների շուկան սպասարկող անասնաբույժը պարտավոր է՝
 - 1) իրականացնել վաճառքի ենթակա գյուղատնտեսական կենդանիների պարտադիր անասնաբուժական զննում.
 - 2) վարել անասնաբուժության ոլորտի լիազոր մարմնի կողմից հաստատված ձևի, կնքված ու համարակալված գրանցամատյան (այն ենթակա է պարտադիր պահպանման առնվազն երեք տարի), որտեղ պետք է արտացոլվի նաև գյուղատնտեսական կենդանիների անասնաբուժական վկայականի համարը.
 - 3) գյուղատնտեսական կենդանիների առուվաճառքի ժամանակ՝ «Անի Պաս» Էլեկտրոնային համակարգում իրականացնել գյուղատնտեսական կենդանու սեփականատիրոջ փոփոխություն.
 - 4) ստուգել անասնաբուժական վկայականը:
16. Գյուղատնտեսական կենդանիների անասնաբուժական զննման համար գյուղատնտեսական կենդանիների շուկայի մուտքի մոտ պետք է լինի առանձնացված, ցանկապատված տարածք:
17. Գյուղատնտեսական կենդանի գյուղատնտեսական կենդանիների շուկա մուտք է գործում՝ անասնաբույժի կողմից պարտադիր անասնաբուժական զննումից և անասնաբուժական վկայականի առկայությունը ստուգելուց հետո:
18. Գյուղատնտեսական կենդանիների շուկայում գյուղատնտեսական կենդանիները պետք է ունենան անհատական նույնականացման համարներ՝ ականջապիտակներ, և գրանցված լինեն «Անի Պաս» Էլեկտրոնային համակարգում, իսկ անհատական նույնականացման համարներ չունեցող գյուղատնտեսական կենդանիները պետք է ունենան տարբերանշաններ:
19. Գյուղատնտեսական կենդանիների շուկայի գործունեությունը կազմակերպող անհատ ձեռնարկատերը կամ իրավաբանական անձը գրավոր դիմում է Հայաստանի

Հանրապետության Էկոնոմիկայի նախարարությանը՝ «Անի Պաս» Էլեկտրոնային համակարգին
հասանելիություն ստանալու համար:

**Հայաստանի Հանրապետության
վարչապետի աշխատակազմի
ղեկավար**

Ա. Հարությունյան

21.11.2024
ՀԱՎԱՍՏԱԿԱՆ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՆ

Պաշտոնական հրապարակման օրը՝ 21 նոյեմբերի 2024 թվական:

Փոփոխման պատմություն

Փոփոխող ակտ

Համապատասխան ինկորպորացիան

Փոփոխված ակտ

Փոփոխող ակտ

Համապատասխան ինկորպորացիան